

Inflammation

النهاردة أول حصة.

وإحنا متأخرين لسببين، السبب الأول بمناسبة عيد الأضحى وهديهلكو أجازة.

السبب الثاني إنتم عارفين الأسبوع الأول مابيقاش فيه سكاشن لأن السكاشن بتيجي بعد النظري عشان نطبق الكلام اللي خدتوه في النظري في العملي. هنشوف التوزيعة دلوقتي بين المتحف وال histology والمشرحة والكلام ده. لكن ماينفعش إننا نتأخر لما تاخدوا jars ال inflammation وما تبقوش عارفين يعني إيه inflammation هيبقى منظرنا وحش يعني.

فيه حاجة اسمها introduction ودي مش مشطوبة دي مهمة وساعات بينزل عليها درجتين في الامتحان، لكن أنا النهارده مش هعلق على ال introduction إلا في الحاجات اللي تخصني بس. هنبدأ على بركة الله.

فالنهارده هعمل orientation سريع، هبدأ آخذ حاجة صغيرة صفحة كده من شابتير ال inflammation وهنحط جداول وهنتقق على rules هنذاكر منين وهذاكر إزاي.

كلكم معايا في الكتاب اللي هنذاكر منه اللي هو كتاب القسم اللي معمول جزئين؛ حاجة اسمها General Pathology وحاجة اسمها Systemic Pathology. وبقول من دلوقتي امتحان نص السنة اللي بيتعمل في يناير دايما بيبقى قبل يوم 20 يناير بيبقى جاي فيه كتاب ال General Pathology كله وأول 2 chapters من ال Systemic Pathology يعني مش الكتاب الأولاني بس.

معظم ال pathology بتعتمد على الصور أكثر وهكيلكم قصة ال pathology من الأول فالحصة مافيهش حاجة حفظ هي فهم مش أكثر من كده، بتخش في الامتحان؟ طبعا ولكن أنا مش هتكلم عن ال Introduction in details.

طيب أول حاجة هبدأ بيها الصورة اللي قدامكو دي يا شباب صورة فنية اللي رسمها دكتور pathology، تعرفوا الراجل أبو كرش اللي لابس المريلة ده؟ ده دكتور ال pathology. اللي بيتعامل مع ال postmortem dissection (تشريح ما بعد الوفاة لمعرفة سبب الوفاة في الحالات الغير جنائية) هو دكتور ال pathology. ونشيل شوية مفاهيم من دماغكم، مين مسئول عن التشريح في قصر العيني؟ دكتور ال anatomy مابيشرحش الي بيشرح هو دكتور ال pathology.

أنا محتاج دلوقتي أجابو على 3 أسئلة، أول سؤال إيه هو ال pathology؟ ثاني سؤال إزاي بيساعدنا نبقي دكاترة؟ ثالث سؤال how to study it؛ هندرسه إزاي؟

VISIT...

LANZAROTE
Caliente.COM

الـ pathology تعريفه إنه the science which deals with the study of all aspects of diseases apart from how to treat them يعني ما أقولكش تعالج المرض إزاي لأن اللي يقول إزاي هم بتوع الجراحة والباطنة والأطفال؛ يعني هتأخذوا في رابعة وخامسة وساتة نفس الأمراض بنفس الـ items و هتزدودوا عليها investigations و treatment و differential diagnosis.

هل علم الـ pathology ده علم حديث ولا قديم؟..... قديم؟ معلومة خاطئة. الإنسان عرف المرض الأول ولا treatment المرض الأول؟ يعني الإنسان بدأ من ساعة ما نزل ع الأرض بافتراض إنه نزل ع الأرض إنه يتعامل مع أمراض، فهل هو عالجه الأول ولا قال لازم أفهمها عشان أعرف أعالجه؟ عالجه الأول. فالإنسان عالج المرض الأول قبل ما يفهمه.

طب إمتي الإنسان يحتاج إنه يفهم المرض؟ للأسف علم الجراحة من قبل التاريخ وكان أشهر الجراحين وشهرة الجراحة كلها كانت في القرن الـ 16، وكان أشهر جراحين في العالم الفرنسيين وكان أشهر جراح فرنساي اسمه مش عليكم بس لازم تعرفوه لأن ده الـ godfather of pathology كان اسمه Ambroise Paré. وكان شهرة الجراحين زمان واحد جراح شاطر وواحد جراح خايب إيه يفرق بينهم؟ السرعة.

حد راح مستشفى محترمة؟ بيكتبوا على أوضة العمليات Operation Room ولا Operation Theater؟ Theater، ليه بيكتبوها مسرح عمليات؟ لأن زمان العمليات كانت بتعمل على مسارح وكانت أجرة الجراح الـ ticket اللي بيدفعه المتفرجين لأن الجراح ده كان magician بيشغل بسرعة جدا. وكان أشهر واحد ساحر هو Ambroise Paré، كان بيقدر يعمل amputation في خلال 6 seconds.

طب ليه الجراحين زمان كانوا بيشغلوا بسرعة كده؟ لأن ماكانش فيه anesthesia فالـ pain المستمر الشديد يدخل العيان في shock ويموت.

وصفوا من سرعته وهو بيعمل أحد الـ amputations - ودي كانت شهادة له- إنه قطع الـ testicle بتاعة عيان وقطع صباعين من صواعب المساعد بتوعه، شايفين الشهرة والحلاوة؟

و Ambroise Paré جراح مشهور جدا وكان من أشهر الحاجات اللي بتجيله إن واحدة ست تجيلها كلكوعة في صدرها - خلينا ناخذ كلمة كلكوعة ونسميها tumor ورم- وهو أول واحد عمل جرح تجميلي مايسيبش أثر، وكان بيقدر يشيل الورم ويخيط مكانه في خلال 6 seconds.

لحد ما حب واحدة جالها ورم في صدرها، وكان يعرف إن الأورام نوعين، ورم حميد العواقب يعني لما يشيله مايرجعش benign وورم خبيث بيرجع ويموت العيان malignant، وهو عشان دي مراته افترض إن هو حميد، وده خطأ الدكاترة. الدكاترة مايفترضوش حسن النية دايما الدكاترة نيتهم سيئة؛ لو عندك differential diagnosis حاجة خطيرة وحاجة بسيطة أنا دايما أحط في دماغي الخطير و- exclude لما أوصل للبسيط أعالجه.

فشال لمراته الورم within 4 seconds وعملها جرح تجميلي ولكن للأسف بعد استئصال هذا الورم ب 10 أيام رجع ثاني فشاله ثاني وبعديها بأسبوع رجع ثاني فشاله ثالث وقالوا إنه كان بيثيلها كل يوم لحد ما في يوم الورم وصل للرئة بتاعتها وماتت، ومن ساعتها Ambroise Paré وقف عن الجراحة تماما؛ بطل يشتغل بإيديه.

وطلب من تلامذته في كل أنحاء العالم ودي وصيته، لو حد فيكو شال ورم من صدر واحدة ست بيعتهوله، ليه؟ لأن هو كان بيقول لو كنت أعرف الأول إن الورم ده malignant كنت هثيلها صدرها كله وتفضل عايشة معايا، لكن هو ماكانش يعرف. هل كان ممكن يعرف قبل استئصال الورم ده حميد ولا خبيث؟ لا، لكن هو عمل دراسة عشان يعرف، أشرحك إزاي؟

كان بيحب الأورام من صدر كل ستات العالم ويمسك ورم ورم ويقولوله ده رجع ولا ما رجعتش، فاللي مارجعتش يبقى benign واللي رجع يبقى malignant.

مين فيهم أكبر ومين أصغر "size"، مين أحمر ومين أصفر، مين فيهم الحواف بتاعته متساوية ومين حوافه irregular، مين ملمسه ناشف ومين ملمسه طري.

من كتر ولع Ambroise Paré إنه يعرف مين benign ومين malignant قبل ما يموت العيان وصفوا إن هو أكل المرض. وصف في الكتب بتاعته إن الورم الخبيث طعمه مر والورم الحميد طعمه أقل مرارة

وعشان كده استحق يبقى الـ godfather of pathology.

هل عمره بص في microscope في حياته؟ هل ارتبط علم الـ pathology بال microscope؟ أبدأ، علم الـ pathology اتقام عشان حاجة واحدة، الـ tumors، إيه الـ benign وإيه الـ malignant. زاد عليه بعد كده كل أنواع الأمراض.

يبقى إيه أهم chapter عندكم في الـ pathology؟ Neoplasia أو Tumors لأن هو ده اللي قام عليه علم الـ pathology.

نمرة 2 الـ pathology إحنا بنذاكره عشان نبقي دكاترة شاطرين، ليه؟ إيه العلمين اللي بنستخدمهم في التشخيص؟ يعني أنا لما تجيلي حالة، دايم اللي بيحب العيان للدكتور حاجة من اتنين P and B : (Pain and bleeding). بيحي العيان يقولك أنا عندي ألم هنا، لازم الدكتور يفكر anatomical and pathological، anatomical، إيه اللي هنا؟ pathological ده إيه ده؟ inflammation, tumor, vascular disturbance,... طبعا في كل سنة أما تاخدوا علم جديد الدكتور يقولك ده أهم علم، ولكن أنا مش هقولكم الـ pathology من أهم العلوم أنا هسيب الكلام ده للأيام الجاية لأن إنتو هتعرفوا بعد كده إن الأساس اللي هتفكر بيه في الـ diagnosis هو الـ anatomy والـ pathology.

السؤال الثالث وده يهمننا أوي how to study it، قبل ما نقول إحنا هنذاكر الـ pathology إزاي بصوا معايا على هذا الجدول اللي المفروض إن أنا أقوله وما تكتبوهوش، لأهمية الـ pathology عليه

300 درجة وال pharma كمان وهتكشفوا بعد شوية إن ال pharma شبه ال physiology وفيها شوية حفظ كتير لكن ال pathology معظمه فهم لو حاولت تحفظه هيبقى صعب جدا من غير اسطمبات.

فأول امتحان هيقابك هيبقى ال midyear exam قبل 20 يناير وده بيبقى عليه 40 درجة وده امتحان written بيبقى عبارة عن short essay و mcq و true or false و match و case وهنعرف يعني إيه الكلام ده، والامتحان بيبقى على ال general pathology اللي هو الكتاب الأولاني زائد أول 2 chapters من ال systemic pathology.

مفيش امتحانات تانية غير لو عملولكم short exam. هنخش بعد كده أول امتحان هيقابك تاني اسمه practical pathology وده هيبقى في شهر 5 وعليه 80 درجة.

فيه عندكم في آخر 5 أكبر امتحان في ال pathology عليه 150 درجة، 75 درجة 1 paper و 75 درجة 2 paper، 1 paper على systemic pathology فقط كل أنواع الأسئلة، 2 paper بتبقى general و systemic وال general فيها من 35 ل 40 درجة.

آخر امتحان هتقابله ال oral exam وده عليه 20 درجة وده مش عائق أوي.

أكثر امتحان بيني شخصيتك في ال pathology هو امتحان ال midyear لأن اللي يجيب كويس في ال midyear بيبقى فهم ال pathology ويقدر يكمل في ال systemic لأن ال general اتخط كله عشان تفهم ال systemic، وبالتالي مين أسهل في المذاكرة؟ systemic لأنه بالرغم إنه كمية معلومات قد ال general مرتين لكن لو إنت فهمت ال general ال systemic مش هيبقى فيه مشكلة.

هخلص مرة تانية، ال sources اللي هنذاكر منها كلنا هيبقى عندنا كتاب ال general pathology وكتاب ال systemic أما أنا أقول.

ليا notes في ال pathology ال notes دي واقفة بقالها خمس سنين. مذكرة 80 ورقة عليها اسمي مكتوبة جداول وفيها ألوان و chapter ال inflammation فيها 5 صفحات، يقولك إيه الحلاوة دي؟ الراجل مخبي علينا الورق ده وعمالين نذاكر من الكتاب؟ لأ طبعا، دي كانت محسوبة أيام كتاب قديم تاني وفيها المعلومات بتاعة الكتاب ده وهي قريبة من المعلومات دي بس ماتذاكروش منها عشان ال mcq وال true or false وال case بيبجوا نصا من الكتاب.

ده فيما يخص النظري.

فيما يخص العملي، أنا في العملي لازم أنقص، ليه يا دكتور كده؟؟ العملي إنت محتاج عشان تذاكره حاجتين، نمرة واحد تبقى عارف ال comment وال diagnosis، عدد ال slides عندكم 54 أما نحذف منهم 9 ببقوا 45 slides، أنا عملت ال comment وال diagnosis وال scheme في 3 ورقات،

والجارات عددها 174 jars عملناهم في 5 ورقات على شكل اسطوانات. طيب نذاكر من الورق ولا من ال atlas بتاع الكلية؟ نصيحة من أخ حتى اللي مابياخدش معايا عملي نركز على الورق من الأول.

فيه حاجة اسمها introduction يعني إيه general pathology يعني إيه systemic pathology وده طبعا مالوش أي قيمة في الامتحان، طب كل ال introduction اللي إنتو شايفينها دي تيجي في الامتحان ولا ماتجيش؟ تيجي. يا نهار إسود أمال إنت هتنتطها ليه؟ لسبب بسيط لأنها عبارة عن paragraphs هناخدنا in details، أنا النهارده for example لو جينا نبص كده في ال introduction قدامنا إزاي نتكلم عن مرض؛ هنتكلم عن definition و histology و pathology و site و macro و micro وإيه شكل ال disease.

بصوا معايا، الراجل ده عنده إيه؟ ماتعرفوش طبعا، هتعرفوا منين؟ ده عنده كلكوعة حمراء في رقبتة ده اسمه tumor، ده حميد ولا خبيث؟؟ أحلى حاجة في الشعب المصري يحب يفتي، إيش عرفنا إحنا؟ إحنا عارفين يعني إيه tumor أساسا؟؟

وآدي واحدة ست طالعلها tumor في بقها، يبقى ده حميد ولا خبيث؟ مانعرفش.

وده ورم شالوه من مبيض واحدة ست وده benign اسمه **Ovarian Cystadenoma** مش مهم، ال-tumor ده كان وزنه 112 كيلو، كتب ال pathology بتقول إن أكبر حجم له 136 كيلو، الحالة دي وزن الست بعد استئصال الورم كان 48 كيلو، فبقول هم ماشالوش ال cyst من الست هم شالوا الست من على ال cyst، فاهمين حاجة؟

"أنا أسف على ال interruption بس ده رئيس القسم فلازم أرد. مشكلتنا في ال pathology إن إحنا بيبقى عندنا حالات طارئة والطوارئ عندنا اسمها problem section يعني عيانة عندها ورم والمفروض نقول ال tumor ده benign ولا malignant، يعني ال tumor اللي قدامكم ده benign (Ovarian Cystadenoma) فشالوا ال tumor بس، لكن لو كان malignant لازم يشيلوا ال vagina بالـ cervix بالـ uterus بالـ tubes بالـ both ovaries وحتة من ال mesentery وحتة من ال intestine وده اسمه Radical Operation".

وآدي واحد تاني عنده tumor في وشه، ده benign ولا malignant؟ مانعرفش.

وآدي اللي قدامكم دي ست بطنها كبيرة أوي، إيه ده؟ ده مش tumor؛ ده **cirrhosis**. عندنا في مصر في آخر مؤتمر للكبد قالوا إن ال bilharziasis تتحسر وإن ال hepatitis ينتشر. للأسف 60% من الدكاترة بيصابوا بـ Hepatitis C وفي النهاية Liver Cirrhosis، بيسموه بالعربي مش تليف - تليف بيبقى fibrosis- بيسموه مرض الكبد الأصفر، بلاش نقول تليف.

وآدي مرض تاني طالع لبننت والحتة اللي ورا ودها وارمة لأنها tumor بس حمراء وسخنة بيبقى ده مش tumor ده abscess خراج.

مشكلة ال general pathology إن بيديك examples مانعرفوهاش، أنا مهمتي إنني أعرفها لكم.

أمراض كثيرة جدا أنا بالنسبة لي دول ولادي أبص عليهم عارفهم، إيه يفرق بيني وبينكم؟ أنا فيه جوايا scheme بمشي عليه لأن الـ pathology is a science of classification فبمشيها بسرعة، أما تحفظوا الكلام ده هتبقوا أسرع مني كمان.

والـ pathology فيه جزء منه اسمه الـ microscopic picture، هذا ما نراه في الـ microscope، أنا أبص على دي أقول adenocarcinoma ودي undifferentiated وده malignant tumor، معظم الـ tumors اللي شفناها قبل كدة benign وإنتم تتخضوا من حجم الـ tumor، الحجم ليس مقياسا إن إحنا نقول ده benign ولا malignant.

ده واحد نايم على جنبه وبندخل فيه الأنبوبة دي ده منظار يدخل في الـ anus ويطلع للـ rectum، ده اسمه **Colonoscope**، وهيفضل يخش لجوة وفيه حاجات صفراء كدة، شافين فيه حاجة بارزة هنا، ده abnormal، ويروح جاي على الـ tumor ويقطع حتة ويبعتها وإحنا نبص تحت الـ microscope، لكن هو شاف بعينه، أنا وأنا باصص بعيني أقول دي malignant، أوكد تحت الـ microscope واعرف هل الـ microscopic picture هي الحاجة الوحيدة في الـ pathology؟ لأ، مين أهم الـ gross picture ولا الـ microscopic picture؟ الـ gross، لأن الـ microscopic is for classification and confirmation، أصنف أكثر وأؤكد التشخيص، يبقى الـ gross هي الأهم والدليل لو ده إنسان مابيفهمش pathology كان هياخد من الحاجات الصفراء دي وخلص، يعني كان هياخد من الـ normal ويسيب الـ abnormal، فالـ gross picture أهم 1000 مرة من الـ microscopic picture.

وفيه طريقة تانية لأخد العينات مش هنخش فيها لأن أنواع العينات كثيرة أوي.

ده كان orientation سريع ولم أشرح الـ introduction.

أنا هبدأ النهاردة مقدمة لأهم تالت chapter في المنهج اللي هو الـ inflammation.

في أول كل chapter بحب احط صورته

صورة temple جداريه .. الكنائس والمعابد بيتحط فيها صور جداريه

"نقش على الحجر" لقوا الصورة ديه في احد المعابد في ايطاليا .. في عهد الاغريق .. وكان هما مسميها "inflammation temple" معبد الـ inflammation.

وزى ما انتم شافين أول ناس اتكلموا عن الـ inflammation هم الاغريق .. مش الفراعنة.

"في ناس لما تقولهم أول ناس في اى حاجه يقولك الفراعنة .. حط الفراعنة و ربنا يسهل".

الفراعنة كانوا عظماء .. ولكن أول ناس اتكلموا عن الـ inflammation كانوا الإغريق.

ووصفوا ال inflammation ب 5 آله.. هو يعنى ايه كلمة اله عند الاغريق؟! .. ما هو التأليه عند الاغريق؟

بيعبدها .. بيقولك عبدوا الاصنام .. لم يعبد الاصنام سوى العرب، وبعض الناس الضالة في آسيا، لكن الاغريق عمرهم ما عبدوا الاصنام .. التأليه عند الاغريق هو التمثيل، يعنى ايه تمثيل؟

في حاجات انا مابشوفهاش .. واكثر حاجات الانسان مابيشوفهاش هما حاجتين مش حاجه واحده "الحقيقه و الامل". مش فاهم .. زى ال inflammation .. ايه ال inflammation بالبلدى كده؟

واحد فيكم صباعه يدوحس عارفين يعنى ايه يدوحس ؟

واحد دخل في صباعه شوكة شكته فدخلت بكتيريا .. صباعه اتلوث .. هما زمان كانوا يعرفوا بكتيريا؟ لا طب يعرفوا inflammation ؟ لا

لاحظوا ان الصباع ده اما الحاجه اللي مش عارفها دخلت فيه واصابته بأذى .. هم تخيلوها ان دى اسمها " النار الشريره" و سموها المرض inflammation .. جايه من flame يعنى نار .. النار الخبيثه.. اما مثلوا ..

مممكن يكون سببها بكتيريا او فيروس او اى حاجه .. اما يمثلوا الصباع اللي بيحصل فيه التغيرات دى .. لما واحد صباعه يدوحس .. يكبر ولا يصغر ؟ يكبر يورم .. سخن ولا بارد ؟ سخن

اهو انتو مش فاهمين اى حاجه و بتجاوبوا اهوه ... احمر ولا ازرق ؟ احمر .. بيوجع ولا مبيوجعش؟ بيوجع .. بيعرف يحركه كويس ولا مابيعرفش ؟ مابيعرفش.

فراحوا عاملين 5 آله لتأليه هذه الحقيقه .. هو شايفها قدامه بس مش فاهمها ..

1. اول إله؟؟ هو إله وشه احمر و ماسك نار هو إله نوبى او نار .. لكن هو بيقولك ان الصباع او الحته كلها بتبقى حمرا ...

2. جنبه اله اللي النار مولعه فى الحته الغريبه دى الاول احمرار لانه بيبقى سخن ولا بارد؟ سخن ..

3. شايفين الاقرع ابو كرش ده؟ ده اسمه تومر .. تومر يعنى swelling ..يعنى الحته الملتهبه بتبقى منفوخه ..ولا بتبقى مفسيه؟ منفوخه.

4. و الحته الملتهبه . شايفين الاله ده؟ بالنسبالكم مديكم احياء انه بيضحك؟ ولا بيصوت؟ بيصوت .. شايفين صباعه بيحمر ازاي ؟ ده بيوجعه .. رافع رجله .. ده اسمه ال دولار .. دولار يعنى pain

5. و اخر اله شايفين اللي ايده مقطوعه ده والمعبد كأنه مهود عليه ؟ loss of function مابيعرفش يستخدمه ..

فالاغريق من قبل التاريخ أقرأوا signs and symptoms of inflammation

لو حته التهابت هتبقى:

1. Red

2. Hot

3. Swollen

4. Painful

5. With loss of function

5 لم يضاف عليهم كلمة حتى الان .. فى صورة جداريه من قبل التاريخ.

يعنى ايه inflammation؟ ده disease ولا حاجه ..

ما دام disease يبقى لازم تبدأ بايه ؟ اه فيه items بنكتبها فى اى مرض .. لازم

انتم اخدتم Anatomy؟ اكيد.. طيب حد جه فى الاناتومى قاللى انا هتكلم على ال muscles انتم اخدتم ال biceps.. origin-insertion-nerve supply-action..

At least الحاجات دى.. لكن ممكن يزودوا حاجات.. لكن اللي مش هيكتب ال 4 دوول هنتقصه .

و تلاقوا فى اى vessel ليه طريقه معينه للكتابه. صح؟ اللي هو ال origin .. ال course ال branches .

وتلاقوا اى bone.. فيه طريقه معينه للكتابه..

لكن حلاوة ال pathology انه ملوش سطمبه واحده.. فأى مرض معين فنه items معينه هنمشى عليها (definition=تعريف, Etiology=السبب).

ال pathology يشمل (site مكانه - macro أو gross picture بعينياً - micro تحت الميكروسكوب - اخر حاجه complication او prognosis)

1. etiology سبب

2. site مكانه

3. بعنيا

4. تحت الميكروسكوب

5. التغيرات = اللي هي complications and prognosis

هبتدى بال inflammation هعتبره مرض - وهتكلم بعد شويه وهقول انه مش مرض.

literally -Inflammation - كلمة inflammation جت منين ؟

جايه من كلمة flame نار - خلى بالك فى دماغ الاغريق الشر كان بيمثل بالنار .. فهو مس من النار.

literally ده الاغريق هم اول ناس وصفوه .. ولكن scientifically ال **inflammation is a disease**؟؟

لا .. No

بصوا معايا على الفيديو اللي قدامك ده **living vascularized tissue**

دبوس عليه بكتيريا دخل جوه هذا ال tissue .. رد فعل هذا ال tissue ايه؟ بدأ يحصل تغيرات على مستوى ال vessel و على مستوى الخلايا .. هدفها انها تحمى نفسها من هذه البكتيريا..

So inflammation is an action or a reaction? A reaction.

ايه اللي انت بتقولوا ده؟ اه حتى لا يموت الانسان فى صمت ده رد فعل

رد فعل ال **living vascularized tissue**

Definition of inflammation <---- **VIP**

اما نيجى ناخذ المنهج هيبقى فيه شويه items هنكتبها على البراجرافات .. او على المرض كله.

كلمة **VIP** دي معناها ايه دي؟! **اللى ميحفظهوش لا يلومن الا نفسه K لان ده بينزل ك short essay** وببيجي **MCQ** زى ما انت عايز .

فى حاجه تحت **VIP** - اسمها نظرى - يعنى بيجي نظرى mainly .. وفيه حاجات case وفى **mcq** .

و ال **Definition of inflammation**

5 نقط كلهم **VIP** ..

Is an action or reaction? Reaction of living vascularized tissue to injury

عندما يؤذى عضو حى **vascularized** رد الفعل بسميه **inflammation**

تعرفوا كلنا لما هنموت .. البكتيريا هتطلع من جسمنا او هتهاجم الانسجه بتاعتنا .. ده كده **inflammation**؟ لا لا

اومال ده بنسميه ايه؟ تعفن

طب ليه؟ عشان ال **injury** مش **living tissue**

هل ال **inflammation** ممكن يحصل ل **non vascularized tissue** ؟

لا .. يعنى واحد جاله **embolism or thrombosis** فى رجله منع عنها الدم البكتيريا هتنزل و تبوظ رجله ... هيحصل **inflammation** فيها ؟ لا

ده اسمه **gangrene** غرغرينا.

لأن عشان يحصل inflammation لازم يبقى فى شرطيين فال tissue ، ايه الشرطين؟

1- Living 2- vascularized

So inflammation is an action or reaction? Reaction, reaction of living vascularized tissue to injury

ايه ال Reaction اللي خدتوها دى ؟ هندرسها in details بس هنا نبذه summarize

It's characterized by اول حاجه تبدأ زى ما شوفتوا فى الفيديو

اول تغيرات حصلت فين؟ فى ال vessel ولا فى الخلايا .. الخلايا اللي جوه ال vessel عارفين الخلايا دى ؟ كرات الدم البيضاء و ده جيشنا..

1. So it's characterized by local vascular change

2. يعقبتها cellular change ...

يعنى ال vessel -الطرق اللي جاييه العساكر - فى النهايه هتوسع .. والعساكر هتخش.

مين العساكر؟ WBCs اللي اهمهم:

(a) خليه اسمها **neutrophil** متعادله.. اللي بنسميها microphage .. تعرفوا كده؟ واللى بنسميها

Polymorphonuclear Leukocytes .. لان النواه بتاعتها متعددة الاشكال.. انتو عارفين لما

الخلية دي تموت يسموها puss cell ؟ كل ده خليه واحده

(b) او ال **monocyte** اللي اسمها macrophage هشرحهم بعدين..

is characterized by local vascular changes

تغيرات فى ال vessel .. يعقبتها cellular changes .. يعقبتها

3. انه يتكون **Fluid exudate** . المية اللي العساكر دوول اللي رايعين يحاربوا..

4. فى النهايه يحصل **dilatation** لل lymph يفتح عشان يسحب نواتج هذه المعركة.

5. **reaction of tissue** Followed by عشان ت phagocyte الخلايا الميتة.

كل خطوة من دول درس عندنا

ونعيد تانى inflammation is action or a reaction of the living vascularized tissue in exposure to injury.

بيتميز ب:

1. local vascular

2. cellular

3. dilatation

4. action of local tissue lymphocyte

طب ال inflammation ده حاجه حلوه ولا وحشه؟ يعنى صباعى لما يدوحس ويبقى احمر وسخن وبيوجعنى دى حاجه حلوه ولا وحشه؟

There is no cut role ... not blank في الطب دايمًا

مفيش حاجه فى الدنيا دى اسمها حلوه ومفيش حاجه اسمها وحشه..

So inflammation partially represents the protective response.

جزء منه حلو helpful .. اللى بيحمينا

وهو دلوقتى مش لما احمر مش معناه ان الدم بقى كثير؟

وسخن لان فيه انزيمات تعمل reaction .

هو partially protective بيحمينا.. بيحمينا ازاي؟ بحاجتين

1. **get rid of disposal of initial cause of injury**

يعنى البكتيريا اللى دخلت دى لما طلعتها ال WBCs هتعمل ايه فى البكتيريا؟ هتموتها ده ببسبب المرض

طب قدر مقدرتش على كده..

2. **get rid of the product of injury consequence of injury**

مش نتيجة ال injury فيه خلايا ميتة؟ مين هيشيل الجثث؟

so inflammation partially represent the protective response

طب protective ازاي؟

يا إما Disposal of the initial cause of injury

يا إما disposal of consequence نواتج ال injury لو منجش انه يتصدى لل injury نفسه.

لكن هل ال inflammation ممكن يبقى harmful ؟ يأدينا؟

طبعا.. ال inflammation بيبقى ليه **harmful effects**

اشهر مثال لو قلت suddenly .. وانا قاعد معاكم اهو حطيت ايديا هنا عند Mc burney's point سمعتو عنها؟ اه

وواقع فى الارض و قلت اه بطنى .. ببقى حالة ايه؟

Acute appendicitis

بيجى يقولك ايه اشهر سبب لعيل عنده 6 سنين وربع كان بيلعب فى امبابه بالعجله ووقع على الارض وقال اه بطنى

Acute appendicitis

Commonest thing are common

احنا فى الطب بنشخص الامراض بال pathology .. فيه common

ال acute abdomen فى اى سن first exclude

appendicitis

followed by peptic ulcer

followed by cholecystitis

المهم لو واحد عنده زايده.. من الألم.. دى حاجه helpful ولا harmful "side effect"؟

Severe pain العيان مش بيقدر يتحرك.. احنا بنشخص عيانيين الزايده , من وهو جايلك أو وهو على التليفون

لان عيان الزايده و هو جايلك نتيجة ال rigidity of abdomen ميقدرش يفرد رجله على الآخر.

فتلاقيه ماشى حاطط ايده على جنب.. و التانيه على الناحيه دى

و تلاقوه ماشى .. بصوا رجله مبيحركهاش .. و فى التليفون بيصوت لجوّه "الحقنى ااه"

ليه مبيقدرش يصوت و يصرخ؟ ال Appendicitis is a peritoneal organ

لو صوت.. تخط فى ال peritoneum بي موت من الالم

ده عكس المغص الكلوى.. لما يكلمك فى التليفون يقولك الحقيقىيىi

دووول تشوفوهم قدام الاستقبال بيتمرمغوا فى الارض ده renal colic

طب ليه ؟ ما ده inflammation و ده inflammation؟ اشمعنا كده؟

لان ال "peritoneal organ" appendix .

ال peritoneum يحس ال stretch او contraction

المهم ف اى disabling pain نتيجة ان حصل dilatation ، ونتيجة ان سرعة الدم قلت.. ممكن الدم يتجلط جواها و تبقى thrombosis.. Disabling pain with thrombosis.

لو سبتها لمدة 24 ساعه تعمل perforation

هل دى كلها حاجات حلوه؟ لأ

So inflammation is protective or has side effects?

Partially protective and has side effects.

اخر حاجه .. كل مهنة فى الدنيا لها لغة .. فاتفق العلماء 1915 على اضافة ال suffix "itis" عارفين يعنى ايه suffix ؟ حاجه بتزيد فى الاخر.. على ال Latin word و ليس على الكلمة الانجليزية عارفين حاجه اسمها:

- tonsil <---- **Tonsillitis** التهاب اللوز
- Appendix <---- **Appendicitis**
- Gall bladder <---- **Cholecystitis**
- طب حد عنده التهاب فى المثانة؟ **Cystitis**
- طب حد عنده التهاب فى اللسان؟ **Glossitis**
- طب حد عنده التهاب فى ال lip؟ **Cheilitis**
- التهاب فى الفم oral cavity .. **Stomatitis**
- التهاب فى ال fallopian tube .. **Salpingitis**
- التهاب فى ال stomach ... **Gastritis**
- فى العضم او نخاع العضم .. **Osteomyelitis**
- فى الترايبز .. trabizaitis

خلوا بالكم ال latin word وليس ال english

اى حاجه هتجيبها باضافة itis ما عدا 2 organs الرئة **pneumonia** وال **pleura** <-- **pleurisy**

ليه عملوا كده ؟ لان الاتفاقية كانت عام 1915 اكثر عضو يحصل فيه التهاب هو الرئة و الغشاء البلورى.. تم دراسة هذه الامراض قبل ما يتفقوا عليها انها التهابيه. وسمى التهاب الرئة pneumonia و التهاب الغشاء البلورى pleurisy

و عشان متلخبطش الناس .. اى حاجه بعد كده هتبقى itis ما عدا الرئه و الغشاء البلورى..

وان كان بعض الكتب المصريه " العرّه" بيكتبوا pneumitis and pleuritis

لما تلاقوا الكلمه دى تعملوا ايه؟ " تتفوا عليها" ده واحد حافظ مش فاهم

كتابكم مش كاتب الكلام ده لكن هيجى بعد فتره هندرس pneumonia والعيال هتبقى مش فاهمه ليه؟

فى عيال بتقول على ال purpura بربره ^_

الطب يا دكاتره يتسمع و يتفهم عيب اوى عيب اوى مايصحش.

ال Definition is VIP

الاسئله اللي بتنزل عليه.. ساعات بينزلها لك زى ما هو و ده مهم جدا

يلعب معاك فى true or false يقولك:

- Inflammation is an **action** of living vascularized tissue (**not: action but reaction**)
- Inflammation is a reaction of living **non vascularized** tissue (**not: non vascularized but vascularized**)
- Inflammation is **wholly** protective response (**partially not wholly**)
- Inflammation has **no side effects** (**low protective response**)

النقطه اللي بعدها و دى سؤال لوحدها written

التهاب الاذن الخارجيه Otitis externa.. حمرا سخنه بتوجهه ال blood vessels وسعت بدأت تطلع ال inflammatory cells اللي هى monocyte و neutrophil

ايه اللي عمل كده 2-etiology هي ال **Causes of inflammation** اكتبوا عليها category A

فى اخر السنه بينزلوا المنهج على شكل Categories بيقولك الموضوع ده category A بيجى اكثر نظري ميچيش mcq و حاجات زى دى

المنهج فى اخر السنه هيجى مثلا Category A and B .. Category C مشطوب فاهمين حاجه ؟ فأنا بحب اقول ال categories من الاول.

Category A مهم و عمره ما هيتشطب

ايه اللي ياذى جسم الانسان؟ 5 مجموعات ...

5 مجموعات 5 definitions و 5 agents ده سؤال على بعضه

1. أشهر agent يهمننا احنا فى الطب اللى هى ال **infectious** و انا احب اسميها living A الحاجات المعدية او الحيه.

زى ايه؟ زى ال bacteria او ال toxins بتاعتها او ال virus
ال virus هو infectious طبعا معدى لكن هل living؟ no
طب ايه اصغر infectious agent؟ **prions** تصغير كلمة protein
تعرفوا Virus حرفيا يعنى ايه؟ ليه سموه virus؟
Virus حرفيا معناها poison سم لان انا مبشوفهوش فاقترحوا انه سم.

اول فيرس اكتشفوه انفلونزا

طب ليه سموا الانفلونزا كده؟

يحكى فى قديم الزمان.. اول عالم ميكروبيولوجى كان اسمه روبرت كوخ.. كان يحاول تفسير كل الامراض بالميكروبيولوجى.. الأجسام الدقيقة

اول واحد اكتشف الميكروسكوب الضوئى .. وكان بيحب الناس اللى عندها abscess .. كان بيلاقى البكتيريا على شكل كور.. فسماها البكتيريا الكرويه Cocci

ولقى بكتيريا على شكل عصيان فسماها Bacilli

لكن أشهر مرض بيجى فى البنى ادمين هو ال **common cold** اللى هو مكتش لسه سماها انفلونزا.. عارفين الرشح و الكلام ده بيجى لكل العالم .. مفيش حته فى العالم مفيهاش common cold الا حته واحده مينفعش يجى فيها common cold هى القطب الجنوبى .

ليه؟ لان مفيش فيه بنى ادمين ... القطب الشمالى فيه.

المهم روبربرغ أشهر مرض بيصيب البنى ادمين .. جاب شوية براير من العيان و حطها على slide وبص شاف حاجه؟ لأ، ليه؟ لانه فيرس و الفيرس مش بيتشاف بالميكروسكوب.

ففلك ده مش مرض ده influence انه مس من الشيطان قوى شريره تؤثر عليك .

اتحرفت الكلمه من influenza ل influenza

على فكره ده category A حاجات ال infectious اوليه .

Virus زى ال rickettsia

على فكره انا بعيب على الكتاب عندكم فى فى كلمه rickettsia دلوقتى مفيش حاجه اسمها
rickettsia دى بكتيريا not virus

كانوا زمان قبل 1960 بيقولوا ان فى حاجه اسمها bacteria دى اكبر حاجه.. لأ دى مش اكبر حاجه ده نوع من ال micro organism

واصغر منها virus وفى النص rickettsia .. دى دلوقتى bacteria not virus ليه؟

هو ايه اللي يفصل ال bacteria و ال virus فى كلمه واحده؟ Synthesis of its own protein

و ال rickettsia دى نوع من انواع البكتيريا بس صغيره اشهرها ال **Trachoma** اللي [تعمل **الرمم الحبيبي** اللي هو endemic in Egypt

حد فيكم قبل كده سافر بره مصر؟ شاف خواجه لسه جاى مصر؟ لو سافرتم بره اول حاجه تدهشكم لون العيون .. عندهم كده بتلمع . انا اول ما سافرت بره و شوفت المنظر قلت يمكن عشان بيستحموا كتير .

و بالذات البنات .. تلاقى فيهم حاجه عظيمه.. لكن احنا موجوده العين بس تحس انها طافيه ^_^.

احنا عندنا ال Trachoma is endemic ودى بتعمل **و ممكن تعمل fibrosis** فمتخلش ال luster ده موجود .. مش مهم

الحاجات اللي بتزيد rickettsia- virus- bacteria

Fungi يسموها فطريات زى ال **candida** و الكلام ده.

ممكن يأذينا يبقى parasite اللي هي طفيليات زي البلهارسيا والجرب والديدان اللي هتخدوها مع بتوع الباراهيشرحوا منها كتير الطفيليات و العلاقه بينهم.

2. الحاجه الثانيه اللي بتأذينا ممكن تكون حاجه **physical** زى ال **intense heat** لو واحد ولعنا فيه او جمدناه الحراره تأذى و البرد يأذى .

بعد ما خالصنا دكتوراه طلبوا منا نطلع نتفصح ونرجع فكان طالع معايا واحد مدرس اداب قسم لغه عربيه شعر .

المهم.. فكان طالع معايا وكنا فى شهر 12 اخر 12 عز البرد و الثلج بينزل .. اول مره نشوف ثلج فى الشارع.

فى حاجه اسمها frost bite التعرض للبرد الشديد اوى.... الحاجات ال peripheral زى ودانك ومناخيرك و صوابلك .. ال vessel اللي فيها يحصلها vasoconstriction فينقطع عنها الدم فتموت و تعفن و تقع لوحدها .

المهم روحنا هناك اول ما وصلنا الاوضه دافيه و جميله وهو شايف الثلج عمال ينزل ..

قال انا هنزل تحت قتلته انا هنام و لما تموت ابقى قولى بعدها ب 5 دقائق طلع ودانه مش مناخيره .. معرفش مناخيره محصلش فيها حاجه ليه .. v:

بيقولى ودانى بتحرقنى جدا .. بصيت عليها لقتها حمرا جدا لانها بتعمل vasodilatation ودانه بقت حمرا اوى.

حط عليها ميا و مش عارف ايه .. المهم انا نمت وصحاني بعد ساعتين قالي بص كده .. لقتها بيضه جدا ..
على الصبح انا اللي صحيته بصراحه .. لقيت ودانه سوووده .. قالي مابتوجعنيش .. قلته ما هي ماتت
خلاص فقال لي طب و الحل ؟ مفيش حل .. تتشال خلاص .. شال الاتنين
هل البرد يأذى ؟ يأذى زي الحراره و اكثر .

يعنى الحاجات اللي بتأذينا ممكن physical زي ال heat or cold or radiation

3. ممكن الحاجات اللي بتأذينا تكون **chemical** واحد صبينا عليه strong acid يموت يتأذى
Strong alkali ده كان اشهر نوع من الاذيه في العيال الصغيرين المصريين .. لان ايه اشهر
Alkali بيستخدموه الستات في مصر ؟ البطاس اللي هو potassium and sodium hydroxide

الستات بتتباهي ان الهدوم الداخليه تبقى بيضه .. معهمش فلوس و مكنش فيه زمان مساحيق غسل ..
فكانت تبعت الواد ابنها يجيب صباغ بطاس .. يمسك صباغ البطاس ده .. مكنش في زمان ازايز بلاستيك
فكان يتباع في ازايز ازاز .. فكان بيتحط في ازايز اللبن .. لونه ابيض .. تحط فيها ميه يدك لون سائل يشبه
اللبن ..

وهي بتغسل على الطشت قامت تعمل اي حاجه مين اللي راجع؟ الطفل .. هيلاقى طشت وجنبه ازازه
كبيره مليانه لبن .

يقولك شوف بنت ال*** نسياني جعان و عماله تشرب لبن هيقوم جاي على بق واحد .. هل هيحرقه؟؟ لا
بالعكس هيحس انه بياكل زبده او قشطه.

لكن بعد 6 ساعات هيتحرق عنده ال esophagus .

باريته يموت لكن هيبدا ال esophagus يلزق و مش هيعرف حتى يبلع .

يجيبوه بعد الموضوع ده شهر عشان يأكلوه ينيموه على تراييزه وعندهم حاجه اسمها
esophagoscope مواسير نحاس بتبدأ من 6 انش - 28 انش

هيدخلوها ليه ب orathesia و كل اسبوع يدخلوا انش ب انش لحد اما يوسع فطبعا يبقى site of
trauma لانه عيل صغير .

يبقى ال alkali بيأذى ولا مش بيأذى ؟

يبقى هي اللي دخلت البطاس قالي و الله ما حصل .. او مال ايه؟

يحكي في قديم الزمان كنت قاعد في استقبال فلقيت شاب حاجه وعشرين سنه بيضرب دماغه في الحيطه
و بيصوت ... طبيعي اي حد في استقبال بيصوت.

فقلته ميهمش ده مامتش يعنى، قالى يا ريته كان مات، قالى انا هحكلك من الاول انا كنت صغير -كلنا كنا صغيرين- شربت بطاس قلته و ايه يعنى 3\4 عيال مصر شربته .. قلته كله عايز توسيع .. قالى اعجبت بواحد .. قلته كلنا بنتينل .. خلفنا عيل الواد بيزحف لقي باب الجيران مفتوح و دخل شرب بطاس .. ده عبقرى.

Chemical irritant زى toxins, alkalis, acids or nonorganic or organic.

ايه كمان من الحاجات اللى بتأذينا physical or chemical ..infectious living

4. لو جبنا الباشا ده و ضربناه بالشومه على دماغه .. ياذى ولا ميتأذيش **mechanical trauma**

5. ايه كمان ؟ اخر شئ **foreign antigens or hypersensitivity**

يعنى ايه .. Normally جهاز المناعة فى جسمنا اتعمل عشان يحمينا .. يحمينا من ايه؟ من ال foreign agents

عشان يحصل Action <--- leading to hypersensitivity فرط حساسيه

انا بحب اشبهها بالدب اللى موت صاحبه تعرفوا المثل ده ؟

عارفين القصة؟

زمان .. كان فى فلاح طخين و اقرع وبكرش كان فى دبه طخينه و قرعه وبكرش، الدبه دى كانت بتحب الفلاح جدا ليه بتحبه لانهم كانوا كل يوم بعد العصر .. الفلاح كان عنده زلعة عسل كان يجيب زلعة العسل ويقعدوا تحت شجره ب العسل .

المهم فى احد الايام السوداء بعد ما الفلاح ادى الدبه و لهطوا العسل نام صاحب الدبه .. و كان فى نقطة عسل على مناخيره .. فجبت دبانه حقيره معفنه وجت وقفت على مناخيره .. مع العلم ان الدبه عارفه ان الدبانه بتقف عادى .. قالتلك صاحبي حبيبي اللي بيأكلنى العسل .. اسيب دبانه تقف على مناخيره؟؟!

ده لا يمكن ابدًا و راحت شايلة الشجرة، و راحت ضاربه الدبانه .. الدبانه طارت و صاحب الدبه مات ...

الى انا قولته ده هو ال Hypersensitivity reaction تعالوا بس نقول اسماء غير الدبّة الفلاح و الدبانه.

اولا الدبه دى مش جهاز المناعة بتاع جسم الانسان ده خط الحساسيه . جهاز المناعة بتاعنا مش دبه .. لما يعمل عمل الدبه ده اسمه Hypersensitivity reaction .

الفلاح وده جسمنا.. الدبانه ال irritant .. هل الدبانه دى حاجه حلوه ولا وحشه؟ وحشه...بس هل مؤذيه لينا لدرجة اننا نموت نفسنا عشان نموتها؟! لا

الدبه اللى عملته Action sensitivity ولا Hyper ؟ Hyper

حبوب اللقاح حاجه حلوه ولا وحشه؟ وحشه... لكن تموتنا؟ لا .. فيه ناس معينه اللى مناعتهم دبه. وبخلى جواهر حبوب لقاح .. تقولك مناعتهم ينفع كده؟ لا يمكن ابدًا و تعمل Bronchospasm .. مفيش هوا هيخش

هياحصلنا ايه؟ نموت.. هيا دى ال Bronchial asthma تسمعو عنها؟ تراب عند حد عنده فرط حساسيه. بيقى هل اللي آذانا هو ال antigen ولا اللي آذانا هو فرط حساسية جسمنا؟ فرط حساسية جسمنا.

بيقى الحاجات اللي ممكن تأذينا 5 مجموعات ..

1. Infectious living
2. Physical
3. Mechanical
4. Chemical
5. Irritation by exposure to antigen leading to hypersensitivity

وصلت المعلومه؟ ده لوحده سؤال category A

حتى الان فى ال inflammation ماقلتش غير etiology and definition
و قبل ما اخش على المعلومه التانيه . هأخذ بس كلمه كده ملهاش لازمه..
فى ال inflammation ...

دى ايد انسان بجيبيها معايا كل حصه .. ده living vascularized tissue

وهو بيحرك ايده هيخبط فى شوكة، و الشوكه دى فيها بكتيريا

لو كبرنا هنا.. قبل ما نكبر بعيننا .. صباعه بقى احمر وسخن ويتوجع و مش قادر يحركه.. ليه؟

لان فى تغيرات حصلت على مستوى ال vessel و تغيرات حصلت على مستوى الخلايا ...

الى انا قلته ده هو اللي هنمشي عليه الحصه الجايه .. انا لسه مخلصتش لان ال inflammation
انواع .. هذا ال paragraph ملوش اى قيمه خالص دلوقتى ... اكتبوا عليه قراءه.

ال inflammation <--- 3 أنواع، لاننا بعد كده هنتكلم على حته ال inflammation بس.. لحد اخر
الشابتر قراءه.

ال acute inflammation بالعربى هو الالتهاب الحاد. واسم Acute وليس أسيوط.

يعنى ايه low rapid onset and short duration

ايه الفرق بين onset و duration؟

Onset هي زمن بدء الحدث، ال duration هي مدة الحدث من اول ما بدأ لحد ما انتهى، بدأ أزاى دي اسمها onset .. إيدنى مثال. اشهر مثال على ال Acute inflammation هي ال pneumonia , ال common cold .

انت لما جالك انفلونزا انت كنت كويس و within hours , within days

"maximum 1 day" تلاقى نفسك بدأت تترعش و ابتديت تبقى سخن و تحمر يبقى هنا onset Rapid ولا Rapid ؟gradual

تقعد كام يوم .. تقعد Weeks .. كان زمان تقعد weeks تخف او تموت. اوعى تكون فاكر ان اى inflammation معناها انه لازم يخف .. لأ.. هو Rapid onset .. يحصل بسرعه و ينتهى بسرعه. سواء ينتهى انك خفيت، او انه قضى عليك و موتك، فاهمين حاجه من اللى بقولها ؟ يبقى ده ال Acute .

بالعكس ال chronic -مزمن- زى ال TB مرض السل و اسمه الصبح السيل (بكسر السين) اللى هي tuberculosis .. مرض الدرن. هندرسه in details

مرض حير العلماء. عقبال ما تظهر الأعراض بياخد months to years شهور/سنين.. وبيقعد سنين يعنى ال onset بتاعته gradual , و ال Duration .. Shorter ولا Longer ؟؟

لدرجة ان زمان عيانيين السل دول مكنش ليهم علاج .. كانوا بيحطوهم فى مصحات ..

لحد لدوقتى فى عندنا مصحه بتاعة السل فى العمرانيه .. مبنحجزش فيه عيانيين

اللى اكتشفها روبرت كوخ لما لقي بكتيريا تشبه سيل النخل (شوكه) سماها Bacilli

كان اسمها زمان Koch's bacilli

دلوقتى بيسموها tuber's bacilli

كانوا يجيبوهم يحطوهم فى مصحات لحد ما ماتوا .. كانت اشهر حاجه بتموتهم زمان هي كحة الدم.. داء الرئه.. السل الرئوى.

لدرجة ان اكتشاف السل ده كان وراء اكتشاف عظيم .. حد يعرفه؟

يحكى فى قديم الزمان ان كان في دكتور إنجليزى فاشل.. كان نفسه يخلص كلية الطب عشان ياخد لقب دكتور.. و ميشتغلش بعد كده.

فكان اللى عايز ياخد لقب دكتور و ميشتغلش كان يروح احد مصحات السل .. كان يعمل حاجه؟ لأ.

اما راح بعد اما اتخرج .. كانت المصحه فى جنوب لندن .. مكنش ليه الا المنومات لانه بينام و مبيعملش حاجه.

لان العيانيين دول بيعملوا ايه؟ بيكحوا.. مش عارف ينام، و كان ساعتها اقوى دوا للكحه كان المورفين .. عارفين المورفين؟؟

القصر العيني كان فيه ثلاث ازايذ زمان فى الاستقبال.

مزيج أفيون----> للى عنده كحه.

مزيج راوند----> للى عنده مغص

مزيج عرق الذهب ---> للى عنده وجع فى العضم.

زمان اللى كان بيخش القصر العيني كان بياخد من ده و من ده و من ده .

زمان الازايذ دى كانت موجوده شوفوها فى المتحف.

المهم... الراجل حب يشغل مخه.. معروف انه فاشل- قال احسن حاجه توقف الكحه هى الافيون .. جزئ المورفين بيوقف الكحه.

ايه رأيك بدل ما اديله جزئ مورفين اديله اتنين جزيئين .. فربط جزيئين المورفين بحاجه اسمها Acetyl bond

عمل حاجه اسمها diacetyl morphine.

راح جاب افيون و حط عليه acetic Acid و sulfuric acid و غلى فكونت بودره.. و البودره دى فيها ريحة الخل.

Highly volatile إذا سام، و عشان كده قالك نديها له عن طريق الشم وبدأ يدي العيانيين اللى فى المصحه 1 جم ثلاث مرات فى اليوم عن طريق الشم و الكلام ده سنة 1948 زمان اوى يعنى فى خلال 15 يوم الكحه خفت خالص وقفت.

وده اسمه suppress the positive center، و بيشتغل centrally in the brain

العيانيين دول معنويتهم ونفسياتهم اخبارها ايه؟ فى السما.. عشان كده العيانيين دول بدأوا يتخنوا..

كانت مشكلة المرض ده زمان ان العيانيين يخسوا .. كان catabolic جلد على عضم.

فالراجل ده نشر فى مجله انجليزيه طبيه و قال "انا اكتشفت علاج للسلس" فالعالم قام و مقعدش.

خلاص كل الاعراض اللى كانت باينه على العيانيين راحت .. عشان يثبت التجربه بتاعتهم ان ده permanent treatment. قالهم انتم خفيتموا.. وقف العلاج.

جاله واحد من العيانيين قاله فين الدوا الحلو؟ .. قاله ما انت خفيت .. قاله لأ..

تانى يوم طلبه منه قاله لأ.. ثالث يوم طلبوا منه قال لأ..

دى قصه اكتشاف الهيروين .. ما الهيروين اكتشف كدواء للكحة.

ال TB <--- is a chronic inflammation .. و انا قعدت احكى قصه طويله وعريضه عشان اقولكم
بيناموا في المصحات

دلوقتى اقل فتره لعلاج مرضى السل هو 6 شهور، والصح سنه ونص.

يعنى ال inflammation ممكن يبقى acute و ممكن يبقى chronic و ممكن يكون subacute .

ال paragraph ده مش مهم ده للتقسيمه .. كده اتعالجوا؟ لا كده ماتوا.. مالووش اى علاقه.

انا مخلصتش انا عمال ادلع فيكم واديكم 3 paragraphs .

هنا هنقف .. لان دى بدايه orientation اللى فيها الجزء اللى انا بحب اقله فى الآخر.